

## AKT THEMELIMI

### I SHOQËRISË TREGTARE ME PËRGJEGJËSI TË KUFIZUAR

#### “Fast food international” SHPK

Ortakët themelues të Shoqërisë:

Z. George Khetsuriani , me atësi Levan dhe amësi Tamar, dtl. 7.11.1985, lindur në Gjeorgji, Tbilisi dhe banues në Tiranë, rruga “Seit Teqja”;Nd.53 Petrele Mullet Tiranë, madhor me zotësi të plotë juridike dhe për të vepruar,

Z. Aleksander Josifi me atësi Sotir dhe amësi Lirie, dtl.13.03.1957, lindur në Tirane dhe banues në Tiranë, rruga “Rruga sami frasheri pallatet e aviacionit te vjeter 3/1”, Tiranë, madhor me zotësi të plotë juridike dhe për të vepruar,.

bazuar në dispozitat e Ligjit Nr. 9901, datë 14.04.2008, “Për Tregtarët dhe Shoqëritë Tregtare”, Ligjin Nr. 131/2015 “Për Qendrën Kombëtare të Biznesit”, Ligjin Nr. 9723, datë 03.05.2007, “Për regjistrimin e biznesit”, i ndryshuar, mbledhur në Tiranë sot më datë 03.08.2022.

#### VENDOSËN:

Të krijojnë së bashku një shoqëri tregtare dhe për këtë qëllim hartojnë dhe miratojnë këtë Akt Themelimi të shoqërisë si më poshtë vijon;

#### NENI 1

##### *Emri*

1.1 Shoqëria do të paraqitet në qarkullimin tregtar me emërtimin e saj “**Fast food international**” sh.p.k.

1.1 Ndryshimi i emrit të shoqërisë mund të bëhet vetëm me vendim të Asamblesë së Përgjithshme të saj.

#### NENI 2

##### *Forma juridike*

2.1 Shoqëria tregtare “ **Fast food international** ” SHPK, ka formën e një shoqërie me përgjegjësi të kufizuar (sh.p.k).

2.2 Shoqëria mund të transformohet në një formë tjetër juridike me vendim të Asamblesë së Përgjithshme të ortakëve sipas përcaktimeve në ligj dhe në Statutin e saj.

### **NENI 3** **Selia**

**3.1** Selia e Shoqërisë ndodhet në adresën Rruga Rruga “Murat Toptani”, Gjergji Center , Kati 6 Tiranë.

**3.2** Ndryshimi i selisë së shoqërisë mund të bëhet vetëm me vendim të Asamblesë së Përgjithshme të Ortakëve të Shoqërisë.

**3.3** Me vendim të Asamblesë së Ortakëve shoqëria mund të hapë degë të saj apo Zyra përfaqësimi në qytete të tjera apo dhe jashtë Shqipërisë.

### **NENI 4** **Vula e shoqërisë**

**4.1** Shoqëria do të ketë vulën e saj.

**4.2** Forma e vulës dhe masa e saj do të përcaktohen nga Asambleja e Ortakëve në përputhje me legjislacionin shqiptar.

### **NENI 5** **Objekti i Veprimtarisë**

**5.1** Shoqëria ka si objekt veprimtaritë që vijojnë më poshtë:

a) Shërbime restoranti, linje retorantesh, linje shërbimi ushqimi te shpejte. Shërbim Hotelerie, Kafe -Bar, Supermarkete, Minimarkete, Tregtim me shumice te produkteve ushqimore, industriale. Te operoje ne fushen e ndertimit, transportit brenda dhe jashte vendit, tregtimit shumice pakice importexport mallra te ndryshme.

b) Hapje kurseesh profesionale në fushën e gastronomisë dhe menaxhimit hotelier; shërbime catering,eksportimi dhe importimi i makinerive dhe pajisjeve gastronomike dhe hoteliere; eksportimi dhe importimi i mallrave ushqimore të ndryshme.

c) Kryerja e veprimtarise tregtare import -eksport per materialet e ndertimi, artikuj industrial etj. Pjesmarrje direkte ose indirekte edhe ne shoqeri e ndermarrje qe kane veprimtari te ngjashme me te.

**5.2** Shoqëria ka të drejtë të ushtrojë çfarëdolloj veprimtarie tjetër të lejuar nga ligji dhe në përputhje me rregullat në fuqi.

### **NENI 6** **Kohëzgjatja e Shoqërisë**

**6.1** Shoqëria do të ketë një kohëzgjatje me një afat të pacaktuar.



6.2 Shoqëria ka personalitet juridik duke filluar nga momenti i regjistrimit të saj në Regjistrin Tregtar pranë Qendrës Kombëtare të Biznesit.

### **Neni 7** **Kapitali i Shoqërisë dhe Kuotat**

7.1 Kapitali i regjistruar i shoqërisë është i përbërë nga kontributi në para i ortakëve në vlerën 100.000 lekë.

- a. **Z. George Khetsuriani**, zotëron një kuotë me vlerë 73.000 lekë (shtatedhjetë e tre mijë), që përfaqëson 73 % (shtatedhjetë e tre) të kapitalit të regjistruar të shoqërisë.
- b. **Z. Aleksander Josifi** zotëron një kuotë me vlerë 27.000 lekë (njetzet e shate mijë), që përfaqëson 27 % (njetzeteshtate) të kapitalit të regjistruar të shoqërisë.

7.2 Ortakët, në bazë të kërkesës së organit administrues, mund të sjellin para në shoqëri, sipas marrëveshjes paraprake të lidhur midis tyre. Kjo derdhje parash mund të bëhet në formën e zmadhimit të kapitalit, ashtu si dhe në formën e financimit të shoqërisë. Në rastin e financimit të shoqërisë nga ortakët në formë huaje, nuk është e nevojshme të respektohet përpjesëtueshmëria mes shumës së derdhur në shoqëri dhe kuotave të kapitalit që ortakët zotërojnë.

7.3 Nëse mes palëve nuk ka akorde specifike, financimet në formë huaje të bëra nga ortakët do të konsiderohen si hua pa interes.

### **NENI 8** **Organet e Shoqërisë**

8.1 Organet drejtuese të shoqërisë janë:

- Asambleja e Përgjithshme
- Administratori



8.2 Kompetencat, të drejtat dhe detyrat e këtyre organeve do të përcaktohen në statutin e shoqërisë.

### **NENI 9** **Administratori**

9.1 Shoqëria administrohet nga një administrator që emërohet dhe shkarkohet nga Asambleja e Përgjithshme. Afati i emërimit është 5 vjet me të drejtë ripërtëritje.

9.2 Administrator i Shoqërisë do të jetë z. George Khetsuriani me atesi Levan dhe amësi Tamar, lindur në Gjeorgji, Tbilisi, më 7.11.1985, banues në Tiranë, mbajtës Passport Nr. 11BB47877

9.3 Asambleja e Përgjithshme mund të emërojë një administrator të dytë me vendim të saj.



**NENI 10**  
**Dispozita të fundit**

Shoqëria do të zhvillojë aktivitetin e saj në përputhje të plotë me Aktin e Themelimit, Statutin dhe dispozitat e legjislacionit shqiptar në fuqi. Për sa nuk parashikohet në Aktin e Themelimit dhe në Statut, do të zbatohen kryesisht dispozitat e ligjit «Për tregtarët dhe shoqëritë tregtare», Kodit Civil dhe legjislacionit në fuqi.

**NENI 11**  
**Zgjidhja e mosmarrëveshjeve**

Të gjitha mosmarrëveshjet midis ortakëve duhet të zgjidhen me mirëkuptim. Në rastet kur ato nuk mund të zgjidhen me mirëkuptim secili prej ortakëve ka të drejtë t'i drejtohet për zgjidhje Gjykatës së Rrethit Gjyqësor Tiranë.

**NENI 12**

Ky Akt themelimi përpilohet në 5 (pesë) kopje në gjuhën shqipe, dhe u nënshkrua pa vërejtje nga ortakët themelues.

**ORTAKËT THEMELUES**

**Aleksandër JOSIFI**



**George KHETSURIANI**

